

En pia memoria da

GR 15-6-84

Luisia Caduff, Zarcuns

Avon duas jamnas han ins cavigliau ella en fossa, la Luisia dils Gion Pauls, en fossa a Sedrun.

La Luisia Caduff, nata Berther, da Zarcuns ei naschida il davos di dad uost dils anno 1909 a Camischolas, la pintga da sis fargliuns. Ella saveva aunc buca ir dil tut sezza che la mumma Margheta si da Cavorgia ei morta e l'onda Mariarta davart dil bab ei semessa empei dalla defuncta.

Mo gliez quei leu fuva per cass «onnets» e sche igl aug e l'onda fussen buca semess a pèr, paupra! Las tschun buobas ed il mattatsch dils



Gion Pauls ein sedustai bein; l'aria satella atras la Val Zarcuns ha enfirmiu ad els l'ossa. – Entochen ch'il di che la Luisia ha nuota tratg dano ed ha dau plaid al Gion Battesta Caduff da Rueras. Il giuven pèr ha entschiet cun pauchet, perencunter cun gronda currascha. E Niessegner ha fatg bien ed ha dau alla giuvna lètg in pop ed ina poppa; els dus han engraziau persunter. Il Gion Battesta e la Luisia han insumma retschiert adina cun engraziament; els han era dau vietii bugen. Oravontut ein els dus semess en a Rueras ed han fatg il pur, silsuenter a Camischolas epi la finala a Zarcuns. La Luisia ha era dumignau la mort da siu consort Gion Battesta, tut senza semetter encunter. Enstagl ha ella dau bratsch dapertutanavon al fegl ed alla feglia ed ha urdiu danovamein las teilas. Ella veva gust da teisser e las teigias da letg en trucca dian.

A Camischolas essan nus dai in encunter l'auter, suenter las quater mintgamai, cura che la Luisia deva en dad esch e scaldava la pegna da scola. Mintga ga cun in pèr plaids curteseivels sin bucca. Quei ei stau bi e quei ei siu meret. Vevan nus auters da dar cola, sco per semeglia las uras che nus fagevan stallas da Nadal, stevan siu pierti e sia cuschina a nossa disposizion. Sco sche tut fuss da secapir e natiral.

Ils tes igl emprem, denton è nus auters mirein sur la fossa vi e stendin ils mauns. Tgi che damogna sco ti la veta ei en buns mauns. E nus vein buca tema.

Vic Hendry